




新

全



新嘉坡

新嘉坡

新嘉坡

新嘉坡

347.4  
746-9  
98

前刻詩序

余詩格卑卑七律尤多放翁習氣二三知己屢詬  
病之好事者又促余付梓自度後來亦未必能進  
姑從諛而背直慚愧汗下如何可言板橋自題

後刻詩序

古人以文章經世吾輩所爲風月花酒而已逐光  
景慕顏色嗟困窮傷老大雖剝形去皮搜精抉髓  
不過一騷壇詞客爾何與於社稷生民之計三百  
篇之旨哉屢欲燒去平生吟弄不忍棄之况一行  
作吏此事又束之高閣姑更定前稿復刻數十首



於後此後更不作矣板橋又題前詩板橋樓十首

板橋詩刻止於此矣死後如有託名翻板將平日

無聊應酬之作改竄爛入吾必為厲鬼以擊其腦

景慕能為卷內諸君來大難降法去文野辭林韻

古人以文章歷世晉輩放為風氏非所而己茲米

對後趨紙

故與鸞而背首解則下改何可言殊辭自強

蘇之後車卷又對余林林自更對來亦未必指並

余詩林早早小軒外多於餘皆廉二三映子製語

附校詩乳

紫瓊岷嶺人慎郡王題詞

高人妙義不求解  
充腸朽腐同  
魚鱗此情今古誰復知  
疏鑿混沌驚真宰  
振枯伐萌陳厥  
粗浸淫演畋飛石無按拍  
遙傳月殿曲走盤  
亂瀉蛟宮珠  
十載相知皆新  
踏夜深把

卷詩寵屋明眸不識鳥雌雄  
妄與盲人辨烏鵲

賦氣無私如無私白紙

是文無私如無私白紙

無私如無私白紙

高入雲漢不辨方塘白鷺同

寒雲點點入真眸王懸言

板橋詩鈔

興化鄭燮克柔氏著

鉅鹿之戰

懷王入關自聳瞽楚人太拙秦人虎殺人八萬取  
漢中江邊鬼哭酸風雨項羽提戈來救趙暴雷驚  
電連天掃臣報君讐子報父殺盡秦兵如殺草戰  
酣氣盛聲喧呼諸侯壁上驚魂逋項王何必爲天  
子只此快戰千古無千姦萬黠藏克戾曹操朱温  
盡稱帝何似英雄駿馬與美人烏江過者皆流涕

種菜歌

爲常公延齡作

有明萬曆天啓間時事壞爛生克頑羣賢就戮九  
千歲宮中不復尊龍顏烈皇帝起震而怒練帛一  
條殪凶孺天荒氣敗不可回龜鼎潛移九廟仆蒼  
谷先生開平嗣屢疏交章稱天意提將白刃守宮  
門散盡黃金酬死事都城陷沒走南邦惡孽桐城  
馬貴陽新王夜夜酣春夢戍卒朝朝立曉霜上方  
請劔長號唾忠讜不聞城又破虎口纔離二黠奸  
孤舟欲覆江流大買田種菜作生涯淚落春風迸  
野花嬾尋舊第烏衣巷怕看鍾山日暮霞荷鋤負  
擔爲備係菜羹糲食隨荒草時供麥飯孝陵前一

聲長哭松楸倒家有賢媛魏國孫甘貧茹苦破柴  
門燒燧昔日鴛鴦錦滌盡從前翡翠痕一畦菜熟  
一畦種時時汲水提春甕玉纖牽斷井邊繩茅棚  
壓匾釵梁鳳幾年瑁璫先生死含飯無資乞鄰里  
天涯有客獨揮金棺衾畫翠皆周視人心不死古  
今然欲往金陵問菜田招魂何處孤臣墓萬里春  
風哭杜鵑

題雙美人圖

珮環搖動湘蓑冷俏風偷入羅衫領美人相倚借  
餘溫細語無聲親素頸玉指尖纖指何許似笑姮

娥無伴侶又似天邊笑薄雲夜寒不得成濃雨

自遣

嗇回彼豐茲信不移我于困頓已無辭束狂入世猶  
嫌放學拙論文尚厭竒看月不妨人去盡對花只  
恨酒來遲笑他縑素求書輦又要先生爛醉時

山色

山色清晨望虛無杳靄間直愁和霧散多分遣雲  
攀流水澹然去孤舟隨意還漁家破蓑笠天肯令  
之閒

詩四言

夜殺其人明坐其家處分息事咤衆毋譁主人不  
知託爲腹心無奸不直無淺不深且幽谷不萌奇  
仁義之言出于聖口奸邪竊似濟欲忘醜播談忠  
孝聲悽淚痛哈誑賢明况汝愚衆不無事苦來財  
當春不華蓄意待秋秋又不實行將誰尤茸蔓藏  
蛇梧桐噦鳳象分性別各以類貢况汝棘刺鴟鴞  
避之乃思鸞凰槁死不知養幽羅萬卷據露王用  
求利于地絲枲稼穡求利于天鋤慾植德求利于  
物網罟釣弋求利于人面曲背直有禽其心有獸  
其力詆賢玩愚寢危卧仄天亦汝憐大道不塞

偶然作

英雄何必讀書史直據血性爲文章不仙不佛不  
賢聖筆墨之外有主張縱橫議論析時事如醫療  
疾進藥方名士之文深莽蒼胸羅萬卷雜霸王用  
之未必得實效宗論閎議多慨慷雕鐫魚鳥逐光  
景風情亦足喜且狂小儒之文何所長抄經摘史  
鉅釘強玩其詞華頗赫爍尋其義味無毫芒第頌  
真師客談說居然拔幟登詞場初驚既鄙久蕭索  
身存氣盛名先亡輦碑刻石臨大道過者不讀倚  
壞牆嗚呼文章自古通造化息心下意毋躁忙不

送友人焦山讀書

焦山須從象山渡參差上下一江樹高枝倒挽行  
雲住低枝搏擊江濤怒枯藤盤拏蛇走壁怪石峻  
嶒鬼峽路日落煙生江霧昏微茫星火沿江村忽  
然飛鏡出東海萬里一碧開乾坤夜悄山中更淒  
肅鸛鶴無聲千樹禿鄰屋時聞老僧咳山魃遠在  
雲端哭幾年不到大江濱花枝鳥語春復春抱書  
送爾入山去雙峯覓我題詩處

海陵劉烈婦歌

烈婦夫武舉從左良玉陣亡無後婦誓奉公姑

待其終年即自縊死州人哀之稱爲劉烈婦云  
濕雲壓牕燈欲死少婦停梭拂衣起夜慘心孤倦  
歎卧沙場夢入深閨裏破甲殘旗裹血痕手提敗  
鼓號冤鬼白云轉戰身陷沒斷骸漂骨黃河奔倉  
皇躑躅婦驚覺羣犬亂吠秋籬根深夜欲啼啼不  
得淚珠迸落羅衾濕抹去胭脂罷曉粧翠翹雲鬢  
無顏色凶問傳來敗散軍果然與夢無差分溫言  
緒語慰翁媪幽閨裂破繡羅裙椎心一哭數斗血  
紙錢飄去迴秋雲柴門寂寞颺颺鬪病婦把家門  
戶瘦夜夜寒機達曙光朝朝破井提鴛鴦十畝荒

田歲不收一園花柳空如繡翁歿媪歿婦即歿宗  
祀無人妾何立撫將皓頸委紅羅要使芳魂覓沙  
磧丈夫死國妻死夫忠義不得轉呼吸一念徘徊  
事則敗包羞泉壤何嗟及至今墳樹晚悲號荒河  
白草秋原高寒鴉孤棲夜不定哀鳴向月求其曹

平水揚州

昔聞東家老婦入楸出王對面

畫舫乘春破曉煙滿城絲管拂榆錢千家養女先  
教曲十里栽花算種田雨過隋堤原不濕風吹紅  
袖欲登仙詞人久已傷頭白酒暖香溫倍悄然  
廿四橋邊草徑荒新開小港透雷塘畫樓隱隱煙

霞遠鐵板錚錚樹木涼文字豈能傳太守風流原  
不礙隋皇量今酌古情何限願借東風作小狂  
西風又到洗粧樓衰草連天落日愁瓦礫數堆樵  
唱晚涼雲幾片燕鷺秋繁華一刻人偏戀嗚咽千  
年水不流借問纍纍荒塚畔幾人耕出玉搔頭  
江上澄鮮秋水新邗溝幾日雪迷津千年戰伐百  
餘次一歲變更何限人盡把黃金通顯要惟餘白  
眼到清貧可憐道上饑寒子昨日華堂卧錦茵

曉行真州道中

僮僕飄零不可尋客途長伴一張琴五更上馬披

風露曉月隨人出樹林  
麥秀帶煙春郭迥山光隔  
岸大江深勞勞天地成何事  
撲碎鞭梢爲苦吟

寄許生雪江三首

詩去將吾意書來見爾情  
三年俄夢寐數語若平生  
雨細窗明火鴉棲柳暗城  
小樓良夜靜還憶讀書聲

金紫人間事縹緗我輩需閒吟  
聊免俗極賤到爲儒妙墨疑懸漏  
雄才欲唾珠時時盼霄漢待爾入  
雲衢

不捨江干趣年來卧水村  
雲揉山欲活潮橫雨如

奔稻蟹乘秋熟豚蹄佐酒渾野人歡笑罷買棹會  
相存

贈石道士

樓殿玲瓏草木閒洞簫吹徹碧雲間歌成莫擬無  
投贈新洗羊脂白玉環

閒居

嬾慢從來應接疎閉門掃地足閒居荆妻拭硯磨  
新墨弱女持牋索楷書柿葉微霜千點赤紗厨斜  
日半窗虛江南大好秋蔬菜紫筍紅薑煮鯽魚

宗子相墓

寥落百花洲老屋破還在遠水如帶環東風吹野  
菜四老亡風蕭蕭一天寒雨聞報燕

呈兼七歌

鄭生三十無一營學書學劍皆不成市樓飲酒拉  
年少終日擊鼓吹竽笙今年父歿遺書賣剩卷殘  
編看不快爨下荒涼告絕薪門前剝啄來催債嗚  
呼一歌方歌偏側皇遽讀書讀不得  
我生三歲我母無叮嚀難割襁中孤登牀索乳抱  
母卧不知母歿還相呼兒昔夜啼啼不已阿母扶  
病隨啼起婉轉喚撫兒熟眠燈昏母咳寒窗裏鳴

呼二歌兮夜欲半鴉棲不穩庭槐斷  
無端涕泗橫闌干思我後母心悲酸十載持家足  
辛苦使我不復憂饑寒時缺一升半升米兒怒飯  
少相觸牴伏地啼呼面垢汙母取衣衫爲湔洗嗚  
呼三歌兮歌徬徨北風獵獵吹我裳  
有叔有叔偏愛姪護短論長潛覆匿倦書逃藥無  
事無藏懷負背趨而逸布衾單薄如空橐敗絮零  
星兼卧惡縱橫溲溺漫不省就濕移軋叔夜醒嗚  
呼四歌兮風蕭蕭一天寒雨聞雞號

幾年落拓向江海謀事十事九事殆長嘯一聲沽

酒樓背人獨自問真宰枯蓬吹斷久無根鄉心未  
盡思田園千里還家到反怯入門忸怩妻無言鳴  
呼五歌兮頭髮豎丈夫意氣閨房沮荒金裡取糶  
我生二女復一兒寒無絮絡饑無糜啼號觸怒事  
鞭朴心憐手軟翻成悲蕭蕭夜雨盈階爬空床破  
帳寒秋水清晨那得餅餌持誘以貪眠罷早起鳴  
呼眼前兒女兮休呼爺六歌未闕思離家一堪  
種園先生是吾師竹樓桐峯文字奇十載鄉園共  
游憩壯心磊落無不爲二子辭家弄筆墨片語干  
人氣先塞先生貧病老無兒閉門僵卧桐陰北鳴

呼七歌兮浩縱橫青天萬古終無情但卧劍北

種園先生陸震竹樓三已翰宋桐峯顧于觀

蘇園哭惇兒五首本對卧峯文字音十蓮園共

天荒食粥竟為長慚對吾兒泪數行今日一匙澆

汝飯可能呼起更重嘗卧林慈以貧知猶早賦

歪角髮兒好戴花也隨諸姊要盤鴉於今寶鏡無

顏色一任朝光滿碧紗紫紫無藥却悲賦故事

墳草青青白水寒孤魂小膽怯風湍荒塗野鬼誅

求慣為訴家貧楮鏹難又赴人門卧孤妻無言

可有森嚴十地開兒魂去幾時回啼號莫倚嬌

憐態羅刹非而父母來

蠟燭燒殘尚有灰紙錢飄去作塵埃浮圖似有三  
生說未了前因好再來

邨塾示諸徒

飄蓬幾載困青氈忽忽邨居又一年得句喜撚花

葉寫看書倦當枕頭眠蕭騷易惹窮途恨放蕩深

慚學俸錢欲買扁舟從釣叟一竿春雨一蓑煙四

淮陰邊壽民葦間書屋

邊生結屋類蝸殼忽開一窗洞寥廓數枝蘆荻撐

煙霜一水明霞靜樓閣夜寒星斗垂微茫西風入

帷搖燭光隔岸微聞寒犬吠幾然吟髭更漏長

項羽

已破章邯勢莫當八千子弟赴咸陽新安何苦坑  
秦卒壩上馬能殺漢王玉帳深宵悲駿馬楚歌四  
面促紅粧烏江水冷秋風急寂寞野花開戰場

鄴城

劃破寒雲漳水流殘星畫角動譙樓孤城旭日牛  
羊出萬里新霜草木秋銅雀荒涼遺瓦在西陵風  
雨石人愁分香一夕雄心盡碑版仍題漢徹侯

銅雀臺

銅雀臺十丈起掛秋星壓寒水漳河之流去不已  
曹氏風流亦可喜西陵松柏是新栽松下美人皆  
舊妓當年供奉本無情死後安能強哭聲總悻八  
尺催歌舞嬾慢盤鴉鬢不成若教賣履分香後盡  
放民間作佳偶他日都梁自檢燒回首君恩淚霑  
袖世亂無風舞臺否幾幾雷雲起其如人驚  
千多泚水  
泚水清且淺沙礫明可數漾漾浮輕波悠悠滙遠  
浦千山倒空青亂石兀崖堵我來恣游泳浩歌懷  
往古偏側井陘道卒列不成伍背水造奇謀赤幟

立趙土韓信購左車張耳陋肺腑何不赦陳餘與

之歸漢臣空青嶺石下墓墓如來志我利古不新

於木易水數心無胆下樓氣氣氣聲或或或或或

子房既有椎漸離亦有筑荆卿利匕首三人徒碌

碌世濁無鳳麟運否縱蛇虺雷霆避其威人謀焉

得速蕭蕭易水寒悄悄燕丹哭事急履虎尾憤轅

終敗輟酒酣市上情一往不可復賣與公香劍盡

善女贈甕山無方上人二首安拍題哭聲點點入

山裏都城北僧居御苑西雨晴千嶂碧雲起萬松

低天樂飄還細宮莎剪欲齊菜人驅豆馬歷歷俛

長隄  
一見空塵俗相思已十年補衣仍帶綻閒話亦深  
禪煙雨江南夢荒寒薊北田閒來澆菜圃日日引  
山泉

追憶莫愁湖納涼

江上名湖號莫愁納涼先報楚江秋風從綠若梢  
頭響雲向青山缺處流尚憶羅襟露竹露可堪清  
夢隔沙鷗遙憐新月黃昏後團扇佳人正倚樓香  
香滿送職方員外孫文歸田  
先生六月江南去做索秋風亦徑歸鱸膾先嘗應

諱兆奎

憶我葳蕤堪飽莫開扉故人幾輩頭俱白後學相  
看識者稀淮海文章終自在任渠披謁絳紗幃

鶴兒灣畔藕花香龍舌津邊稷稻黃小艇霧中看  
日出青錢柳下買魚嘗邨墟古廟紅牆立天末孤  
雲白帶長借取漁家新箬笠一竿煙雨入滄浪

嶧山

徐州五色土乃在嶧山下凸凹見青黃崩裂墮赤  
赭偃蹇十里石蓄怒卧牛馬苔斑古銅鑄黑骨積  
鐵冶砉然觸穹蒼千峯構雲屢曲逕回腸盤飛泉  
震雷瀉古碑斷蟲魚老屋頽壁瓦秋河會可竭寒

星摘盈把悲鳥百羣叫孤鶴萬年寡結茅此間住  
萬事夢可捨山中古仙人或有騎龍者

山寺

山頂何年寺寒牆補破雲古鐘雀巢鈕斷石蘚成  
支僧話從教譯爐香久不焚迴風吹柿葉淒響正  
紛紛

徐君墓

湛盧夜哭墳頭樹天神百怪精靈聚月射芙蓉冷  
露凝霜寒鞞琫銀蛇吐殷殷時呼水底龍熊熊欲  
化山頭虎爲表延陵萬古心恐負徐君三尺土世

人投贈不及身百千賻布空爾情季子抱恨刻心  
骨區區掛劍徒虛名眼前春戀情難厭死後相思  
空寄念席上摩挲便贈之一條秋水橫棺殮

贈博也上人

閉門何處不深山蝸舍無多八九間人跡到稀春  
草綠燕巢營定畫梁閒黃泥小竈茶烹陸白雨幽  
窻字學類獨有老僧無一事水禽沙鳥聽闐闐

寄許衡山

江淮韻士許衡州近日蕭疎似昔不好事春泥修  
茗竈多情小盃覆詩閣食眠消滅綠花瘦鶯燕商

單怨水流我有無題新脫稿寄君吟向小朱樓

寄松風上人

豈有千山與萬山別離何易來何難一日一日似  
流水他鄉故鄉空倚闌雲補斷橋六月雨松扶古  
殿三時寒筍脯茶油新麥飯幾時猿鶴來同餐

喜雨

宵來風雨撼柴扉早起巡簷點滴稀一逕煙雲蒸  
日出滿船新綠買秧歸田中水淺天光淨陌上泥  
融燕子飛共說今年秋稼好碧湖紅稻鯉魚肥

引量上人精舍

風卷葉如柴門聲  
日暮無

森森秋濤湧樹根西風落葉破柴門蠻鴉日暮無人管飛起前村入後邨

山門夜悄不能呼冷燭爍船宿葦蒲殘月半天霜氣重曉鐘雞唱滿東湖

題畫

秋山秋樹秋水蒼瘦禿落清駛鷺曾遊望依稀渺渺雁行沙觜

悍吏

縣官編丁著圖甲悍吏入村捉鵝帛縣官養老賜帛肉悍吏沿村括稻穀豺狼到處無虛過不斷人

喉抉人目長官好善民已愁况以不善司民牧山  
田苦旱生草管水田浪闊聲潏潏哭聖主深仁發  
天庾悍吏貪勒爲刁奸索逋洵洵虎而翼叫呼楚  
捷無寧刻村中殺雞忙作食前村後村已屏息嗚  
呼長吏定不知知而故縱非人爲靈此輩劫吏風

際一私刑惡無辜十八人齊來難辨誰定誰誰

索自魏忠賢拷掠羣賢淫刑百出其遺毒猶在人  
囚間胥吏以慘掠取錢官長或不知也仁人君子  
蓋有至痛焉哭萬者不辨天斃轉四輿天此黑本  
官刑不敵私刑惡掾吏搏人如豕搏斬筋抉髓剔

毛髮督盜搜贓例苛虐吼聲突地無人色忽漫無  
 聲四肢直游魂蕩漾不得死婉轉迴甦天地黑本  
 因凍餒迫為非又值姦刁取自肥一絲一粒盡搜  
 索但憑皮骨當嚴威纍纍妻女小兒童拘囚繫械  
 網一空牽累無辜十七八夜來鎖得鄰家翁鄰家  
 老翁年七十白挺長椎敲更急雷霆收聲怯吏威  
 雲昏雨黑蒼天泣  
 天與撫孤行  
 十年夫歿扃書籠歲歲曬書抱書哭縹緲破裂方  
 錦紋玉軸牙籤斷湘竹孀婦義不賣藏書况有孤

雛是遺腹四壁塗鴉嗔不止十日索墨五日紙學  
俸無錢愧塾師綫脚鍼頭勞十指燈昏燭短空房  
黑兒讀無多母長織敗葉走地風沙沙檢點兒眠  
聽曉鴉

贈巨潭上人三首

山骨蒼寒壓古牆壞廊拳曲入僧房金錢十萬誰  
來施多起樓臺占夕陽  
墨磔鉛匙一兩三半窻畫意寫江南誰家絹素催  
人急先向空中作遠嵐

寒煙裊裊淡孤邨一絡霜華界瓦痕睡足曉窻無

一事滿山晴日未開門  
露華界外  
泉聲  
及  
報  
空  
無

人  
身  
別  
梅  
鑑  
上  
人  
表  
嵐

海陵南郭居人少  
古樹斜陽破佛樓  
一逕晚煙籬  
菊瘦幾家黃葉  
豈棚秋雲山有約  
憐狂客鐘鼓無  
情老比邱回首  
舊房留宿處  
暗窓寒紙  
颯颯颯

客揚州不得之西邨之作

自別青山負夙期  
偶來相近輒相思  
河橋尚欠年  
時酒店壁還留  
醉後詩落日無  
言秋屋冷花枝  
有恨曉鶯癡  
野人話我平生  
事手種垂楊  
十丈絲

職  
長  
再  
到  
西  
村  
空  
無  
更  
不  
上  
十  
日  
索  
墨  
五  
日  
燃  
墨

青山問我幾時歸  
春雨山中長蕨薇  
分付白雲留  
倦客依然松竹滿  
柴扉送花鄰女看  
都嫁賣酒村  
翁興不違  
好待秋風禾稼熟  
更修老屋補斜暉

除夕前一日上中尊汪夫子

瑣事貧家日萬端  
破裘雖補不禁寒  
餅中白水供  
先祀  
窓外梅花當早餐  
結網縱勤河又涸  
賣書無  
主歲偏闌  
明年又值掄  
才會願向秋風借  
羽翰

秋夜懷友

斗帳寒生袂  
被輕疎  
星歷歷  
隔窓明  
滿階蕉葉兼  
梧葉  
一夜風聲似雨聲  
塞北天高鴻雁遠  
淮南木

落楚江清客中又念天涯客直是相思過此生

芭蕉葉葉爲多情一葉纔舒一葉生自是相思抽  
不盡却教風雨怨秋聲

梧桐

高梧百尺夜蒼蒼亂掃秋星落曉霜如何不向西

州植倒挂綠毛么鳳皇

得南闌捷音

忽漫泥金入破籬舉家歡樂又增悲一枝桂影功  
名小十載征途發達遲何處寧親惟哭墓無人對

鏡嬾窺惟他年縱有毛公檄捧入華堂却慰誰

山中雪後

晨起開門雪滿山雪晴雲淡日光寒簷流未滴梅  
花凍一種清孤不等閒

題畫

兩岸青山聚米多長江窄窄一條梭千秋征戰誰  
將去都入漁家破網羅

莫為

莫為甄妃感寂寥袁曹寵幸雀巢曾饒周郎早世孫  
郎歿腸斷江東大小喬

夜夜小廊山東大小喬

小廊茶熟已無煙折取寒花瘦可憐寂寂柴門秋  
水闊亂鴉揉碎夕陽天

懷舍弟墨如歸

我無親弟兄同堂僅二人上推父與叔豈不同一  
身一身若連枝葉葉相依因樹大枝葉富樹小枝  
葉貧况我兩弱幹荒河蔓草濱走馬折爲鞭樵斧  
摧爲薪含悽度霜雪努力愛秋春我年四十二我  
弟年十八憶昔幼小時清癯欠肥腩老父酷憐愛  
謂叔晚年兒餅餌擁其手病飽不病飢出門幾回

顧入門先抱持年來父叔歿移家僦他宅幸有破  
茅茨而無飽糠覈老兄似有才苦不受繩尺賢弟  
才似短循循受謙益前年葬大父壙有金蝦蟆或  
云是貴徵便當興其家起家望賢弟老兄太浮誇  
家貧富書史我又無兒子生兒當與分無兒盡付  
爾離家一兩月念爾不能忘客中有老樹枝葉鬱  
蒼蒼東枝近簷屋西枝過鄰牆兩枝不相顧剪伐  
誰護將感此傷我懷苦樂須同嘗  
晝亦晝苦短中難日吐小千壘世火劍飛破齋古  
晝苦短夜正不長清歌妙舞看未足樓頭曙鼓聲

皇皇明星拔地纔數尺日光搖動來扶桑晝苦短  
 晝亦不短山中暇日如小年塵世光陰疾如箭古  
 來開國多聖明歷盡艱難身百戰一朝勘定稱至  
 尊承明殿上頭毛變安期棗盡還瘦羸赤松黃帝  
 墳纍纍學仙學佛空爾為晝苦短西日飛

宋曾贈高郵傅明府并示王君廷藥

傅諱椿

出牧當明世銘心慕古賢安人龔渤海執法况青  
 天瑣細知幽奧高明得靜便星躔羅腹底冰雪耀  
 着端昔守淮隄撼曾憂暑雨濺麻屨操畚鍤百口  
 寄舟船生死同民命崎嶇犯世嫌上官催決塞小

吏只壅田時值西風急憑翻竹槿編孤城將不保  
一命敢求全痛哭蒼天應焚香巨浪恬支祈收震  
怒河伯効淵潛運道終無急居民亦有年稻梁千  
里熟歌舞數州連魚蟹多無筭雞豚不計錢青帘  
橋畔酒細雨樹中煙父老村村祝銓衡緩緩遷文  
游春水湛甃社夜珠懸願獻長溪藻還供縮項鱸  
鄰邦咸取法下邑賜矜憐訪我荒城北停舟荻岸  
邊一談胸吐露數盞意周旋頗有王生者曾經絳  
幄延美材承斲削高義破迤邐約束神應阻鑪錘  
噐益堅秋風動南國六翮會翩躚

落落拓風塵南國六隔會臨觀

乞食山僧廟縫衣歌妓家年年江上客只是爲看

花一若

贈潘桐岡

讀書必欲讀五車胸中撐塞如亂麻作文必欲法

前古婢學夫人徒自苦吾曹筆陣凌雲煙掃空氣

翳鋪青天一行兩行書數字南箕北斗排星躔有

時滴墨嬌且妍曉花浮露春風鮮畫眉女郎年十

四欲折不折心相憐斬龍殺虎提龍泉定情溫細

桃花賤蕭蕭落落自千古先生信是人中仙天公

曲意來縛繫困倒揚州如束濕空將花鳥媚屠沽  
獨遣愁魔陷英特志亦不能爲之抑氣亦不能爲  
之塞十千沽酒醉平山便拉歐蘇共歌泣君不見  
迷樓隋帝最荒淫千秋猶占煙花國名姬百琲試  
琵琶駿馬千金買鞍勒丈夫得志會有時人生意  
氣何終極揚州四月嫩晴天且買櫻筍鱒魚相啖  
食畫樓林樾水月不疑樓盡醉華嚴來卧亭外草  
階下觀潮行觀潮行雲霧土五香文蘇兩部軍計軒臨臨  
銀龍翻江截江入萬水爭飛一江急雲雷風霆爲  
先驅潮頭聳竝青山立百里之外光熒熒若斷若

續日取有情崩轟喧逐倏已過萬馬飛渡蕭山城錢  
塘岸高石五丈古松大櫟盤森壑翠樓朱檻衝波  
翻羽旗金甲雲濤上伍胥文種兩將軍指揮鯤鱷  
鯨鼉蟒杭州小民不敢射盪豬擊彘來相享我輩  
平生多鬱塞豪情逸氣新搔癢風定月高潮漸平  
老魚夜哭蛟宮盪盪傳信大夫將志會百部人主意  
起蘇弄潮曲

錢塘小兒學弄潮硬篙長楫捺復捎舵樓一人如  
鑄鐵死灰面色睛不搖潮頭如山挺船入艚艚掀  
翻船豎立忽然滅沒無影蹤緩緩浮波衆船集潮

平浪滑逐沙鷗歌笑山青水碧流世人歷險應如  
此忍耐平夷在後頭

土果 肅宗

百戰艱難復兩京范陽餘孽尚縱橫太平天子無  
愁思內殿惟聞打子聲

南內

南內淒清西內荒淡雲秋樹滿宮牆由來百代明  
天子不肯將身作上皇

韜光

韜光古庵嵌山巘北窓直吸餘杭縣葛洪小兒峰

嶺低南屏一片排秋扇錢塘雪浪打西湖只隔杭  
州一條綫海日烘雲濕已乾下界奔雷作蛇電山  
中老僧貌奇古十年不踏西冷土厭聽湖中歌吹  
聲肯來伺候衙門鼓曲房幽澗養神魚古碑剔蘚  
蝌蚪書銅餅野花烏几靜湘簾竹榻清風徐飲我  
食我復蕙我茅屋數間山側左分屋而居分地耕  
夜燈共此琉璃火我已無家不願歸請來了此前

生果

此四偶成

雨過天全嫩樓新燕有情江晴春浩浩花落水平

平越女吹簫坐吳兒撥馬行回頭各含意煙柳開

州城

飲李復堂宅賦贈

四月十五月在樹淡風清影搖窗戶舉酒欲飲心  
事來主客無言客起去主人起家最少年驛驢初  
試珊瑚鞭護蹕出入古北口橐筆侍直

仁

皇前才雄頗為世所忌口雖贊歎心不然蕭蕭匹  
馬離都市錦衣江上尋歌妓聲色荒淫二十年丹  
青縱橫三千里兩嬰世網破其家黃金散盡妻孥  
媿剥啄催租惱吏頻水田千畝翻為累途窮賣畫

畫益賤傭兒賈豎論非是昨畫雙松半未成醉來  
怒裂澄心紙老去翻思踏軟塵一官聊以庇其身  
幾遍花開上林樹十年不見京華春此中滋味淡  
如水未忍明良徑賤貧

後題團冠霞畫山樓

豎幅橫披總畫山滿樓空翠滴煙鬢明朝買棹清  
江上却在君家圖畫間

大中丞尹年伯贈帛

諱會一

落拓揚州一敝裘綠楊蕭寺幾淹留忽驚霧縠來  
相贈便剪春衫好出遊花下莫教露露滴燈前還

擬覆香篝興來小步隋隄上滿袖東風散旅愁

何關題遊俠圖

金石盤纏扣平土初訝人戲竄天

大雪滿天地胡爲仗劍游欲談心裏事同上酒家

樓

彩泉神骨秋但雲爲齋武却且來疑銀鬢良靴

山雲題程羽宸黃山詩卷餽次贈遊鮑都嵐林翠

黃山擘空青造化何技癢陰陽未判割精氣互滉

漾團結勢綿迂抽拔骨撐掌日月始明白雲龍漸

來往軒成末苗裔鍊丹破幽廠天都強名目芙蓉

謬借獎秦漢封錮深唐宋遊屐廣雲海盪詩肺松

濤簸天響飛泉百斷續怪石萬颺颺少少塔廟開

微微金翠榜岑岬畏樓殿龍象森灌莽鶻鶴鷓鳩  
鵠榛榘棗栗橡巖果垂纍纍仙禽翩晃晃山腰矮  
雷雷峰頂聳蒲蔣膚土寸若金風蘿密於網轉逕  
窄欲墮陟嚙眩還惘我欲躋顛嶠夢寐徒悵快陸  
騎姑熟驢波泛浙江漿羈遲婚嫁累苟賤簪笏想  
山靈久拒斥飛砂擊俗穎輸君飽遊憩晴嵐披翠  
爽深泉暢骨脉卧雪飲瀝沆聒耳流琮瑋聳身峰  
仄仰摘星揭戶牖洗日滌盆盎賦詩數十篇才思  
何闊朗刻畫寵金石鏗鏘叶平上硃砂入爐竈天  
馬受羈鞅骨重勢鬱紆神清氣英蕩作記數承言

瑣細傳幽賞，同遊誰何人。  
吾宗虔谷黨，當境欣淋  
漓。離懷惜疇曩，昔我未  
追逐。今我實慨慷，萬願  
林壑最一官。休歛儻當  
復，邀同遊爲君負筇屨。

淮南又遇張公子，酒滿青衫日已曛。  
攜手玉勾斜畔去，西風同哭窈窕墳。

恩意上江南，大方伯晏老夫子。

諱斯盛

臨高

虎瞰峯高迥，出雲鳳池春。早曲流紋才，充上苑千  
林秀氣壓西江，九派分舟下。牂牁開漲海，山臨銅  
鼓拂南薰。武侯千載征蠻後，直待先生展大文。

公新渝人由翰苑視學貴州

歸朝晉秩列卿班檢點形儀肅珮環虎旅千人排  
象闕鵷行九品拜龍顏再持文柄心逾下屢沐殊  
恩意轉閒慚愧無才經拂拭也隨桃李謁高山

公以大鴻臚分校禮闈

星軺渺渺下南邦劔匣書囊動曉裝六代煙花迎  
節鉞一江波浪湧文章雲邊保障開鍾阜天下軍  
儲仰建康赤旱于今憂不細披圖何以繪流亡

淮南大郡古揚州小縣人居薄海陬架上縹緗皆  
舊帙枕中方略問新猷鄱湖浪闊輸洋子匡阜雲

來潤石頭手把干將渾未試幾回磨淬大江流  
苦大由興化迂曲至高郵七截句古放累麻  
百六十里荷花田幾千萬家魚鬣邊舟子搦篙撐  
不得紅粉照人嬌可憐

煙蓑雨笠水雲居髻樣船兒蝸樣廬賣取青錢沽  
酒得亂攤荷葉擺鮮魚

湖上買魚魚最美煮魚便是湖中水打槳十年天  
地間鷺鷥認我爲漁子  
買得鱸魚四片腮尊羹點豉一尊開近來張翰無  
心出不待秋風始却回

柳塢瓜鄉老綠多  
紅一點是秋荷  
暮雲卷盡夕陽出  
天末冷風吹細波  
一塘蒲過一塘蓮  
荇葉菱絲滿稻田  
最是江南秋八月  
雞頭米賽蚌珠圓  
船窗無事哺秋蟲  
容易年光又冷風  
繡被無情團扇薄  
任他霜打柿園紅  
不許贈國子學正侯嘉璠弟

讀書數萬卷  
胸中無適主  
便如暴富兒  
頗爲用錢苦  
大哉侯生詩  
直達其肺腑  
不爲古所累  
氣與意相輔  
灑灑如貫珠  
斬斬入規矩  
當今文士場  
如公

那可睹家住浙東頭山凹水之澣鴈峰天上排台  
根海底柱樹密龍氣深雲霾石情怒安得從君遊  
嘯歌入天姥龍湫萬丈懸對坐濯靈府我詩無部  
曲瀾漫列卒伍轉關屢蹶傷猶思暴猛虎家非山  
水鄉半生食鹽鹵頑石亂木根憑君施巨斧

不熱贈胡天游弟

作文勉強爲荆棘塞喉齒乃與勃發處煙雲拂滿  
紙檢點豈不施濤瀾浩無涖昨讀秋霖賦觸手生  
妙理塗抹古是非排撻世歡喜抽思雲影外造語  
石骨裏李廣飛將軍自然成壁壘列子御風行庸

夫尋轍軌錢塘江雨青山陰石髮紫何必采靈芝  
千崖看秀起山靈愛狂逸魑魅識才技雜沓吾揚  
州煙花欲羞死無厭哉無矣和韻好霖隄

燕京雜詩

不燒鉛汞不逃禪不愛烏紗不要錢但願清秋長

夏日江湖常放米家船

偶因煩熱便思家千里江南道路賒門外綠楊三

十頃西風吹滿白蓮花

碧紗窗外綠芭蕉書破繁陰坐寂寥小婦最憐消

渴疾玉盤紅顆進米桃

呈長者

御溝楊柳萬千絲  
雨過煙濃嫩日遲  
擬折一枝猶未折  
罵人春燕太嬌癡

桃花嫩汁搗來鮮  
染得幽閨小樣箋  
欲寄情人羞自嫁  
把詩燒入博山煙

酬中書舍人方超然弟

研粉宮箋五色裁  
兔毫揮斷紫煙煤  
書成便擬蘭亭帖  
何用蕭郎賺辨才

君家兩世文名盛  
宦况蕭條分所宜  
笑我筆花枯已盡  
半生窳朽作貧兒

老伯文軒先生諱蔡如

讀昌黎上宰相書因呈執政

常怪昌黎命世雄功名之際太匆匆也應不肯他  
途進惟有修書謁相公

夔山示無方上人

松梢鴈影度清秋雲淡山空古寺幽蟋蟀亂鳴黃  
葉逕瓜棚半倒夕陽樓客來招飲欣同出僧去烹  
茶又小留寄語長安車馬道觀魚濠上是天游

寄青崖和上

山中卧佛何時起寺裏<sub>翻</sub>櫻桃此日紅驟雨忽添<sub>翻</sub>崖

下水泉聲都作晚來風紫衣鄭重

君恩在

御墨淋漓象教宗透脫儒書千萬軸遂令禪事得真  
空

訪青崖和尚和壁間晴嵐學士虛亭侍讀原

韻晴嵐張公若靄虛亭鄂公容安

西風肯結萬山緣吹破濃雲作冷煙匹馬徑尋黃  
葉寺雨晴稻熟早秋天

渴疾由來亦易消山前酒旆望冰遙直深更飲秋  
潭水帶月連星香一瓢

屋邊流水勢潺湲峭壁千條瀑布繁自是老僧饒  
佛力杖頭撥處起靈源

烟霞文字本關情袍笏山林味總清兩兩鳳凰天  
外叫人間小鳥更無教

法海寺訪仁公

昔年曾此摘蘋婆石徑欹危挽綠蘿金碧頓成新  
法界惜他荒朴轉無多

參差樓殿密遮山鴉雀無聲樹影閒門外秋風敲  
落葉錯疑人叩此紫金環

樹滿空山葉滿廊袈裟吹透北風涼不知多少秋

滋味卷起湘簾問夕陽

同起林上人重訪仁公

幾日不相見作詩盈一囊  
立殘雲外漏銷盡定中  
香雨歇四天碧風高秋稼黃  
可應歌擊壤更爲繼

陶唐

賓主吟聲合幽窗夜火然  
風鈴如欲語樹鶴不成  
眠月轉山沉霧花深鳥入煙  
朝霞鋪滿徑裁取作  
蠻牋

勝地前朝闢青山

帝王情莫教輕一物可待報他生  
齋粥分天庾盤蔬

列貢罌秋風滿松壑幽梵曉來清

山中夜坐再陪起上人作

人語山上煙月出秋樹底清光射玲瓏峭壁澄寒  
水棲鳥見其腹歷歷明可指秋蟲草際鳴切切哀  
不已禪心冷欲冰詩懷淡彌昔吟成無牋麻書上

破窗紙

頑奴倦烹茶湯沸火已滅冷然酌秋泉心肺總寒  
冽叢花夜露滋細媚石上茁老槐恃氣力排風骨  
正折坐久月當中寒光射毛髮不但飲秋泉此心  
何得熱

晨起望諸山煙嵐潏漲塞陽烏初出海氣弱不得  
力墨雲橫亙天釋霞斂顏色重帛那禁寒擁裘坐  
巖前露重如小雨徑危滑難陟酸棗垂纍纍瓜果  
蔓寒棘招手謂山鳥與爾得飽食  
詩成令我寫寫就復塗抹骨肌微參差有愛忍心  
割未得如抽繭鍼尖隱毛褐既得如尸解蟻螂忽  
蟬脫主人門外來詩才自豪闊遲疾各性情維余  
氣先奪

贈圖牧山 諱清格

我訪圖牧山步出沙窩門臃腫日本樹斷續千丈

垣野廟包其中蹒跚僧灌園僮奴數十家雞犬自  
成邨青鞵踏曉露小閣延朝暎烹茶亦已熟洗盞  
猶細捫平生書畫意絕口不一言江南渺音耗不  
知君尚存願書千萬幅相與寄南轅

又贈牧山

十日不能下一筆閉門靜坐秋蕭瑟忽然興至風  
雨來筆飛墨走精靈出小草小蟲意微妙古石古  
雲氣奔逸字作神禹鐘鼎文雜以蚪蚪點濃漆恠  
迂荒幻性所鍾安貼細膩學之謚訪君古樹荒墳  
邊葉凋草硬霜凜粟一醉十日亦不辭蘆溝歸馬

淮南疾揚州老僧文思最念君一紙寄之勝千鑑

送都轉運盧公

諱見曾

揚州自古風流地惟有當官不自怡鹽筴米囊銷  
歲月崖花澗鳥避旌旗一從吏議三年謫得賦淮  
南百首詩昨把青鞵踏隋苑壺漿獻出野田兒

清詞頗似王摩詰復以精華學杜陵吟撼夜窗秋  
紙破思凝寒澗曉星澄樓頭古瓦疎桐雨牆外清  
歌畫舫燈歷盡悲歡並喧寂心絲集入碧雲層土  
塵埃吹去又生塵汨盡英雄爲要津世外煙霞負  
漁釣胸中寵利愧君臣去毛折項葫蘆熟豁齒蓬

頭婢僕真兩世君家有清德即今風雅繼先民  
何限鸚鵡鸞供奉班慙子引對又空還舊詩燒盡重  
膳藁破屋修成好住山自寫簪花教幼婦閒拈玉  
笛引雙鬟吹噓更不勞前輩從此江南一梗頑

李氏小園

小園十畝寬落落數間屋春草無穢滋寒花有餘  
馥閉戶養老母拮据市梁肉大兒執鸞刀縷縷切  
紅玉次兒拾柴薪細火煨陸續煙飄豈架青香透  
疎籬竹貧家滋味薄得此當鼎餗弟兄何所餐宵  
來母贖粥

晨起縫破衣鍼線不成行母年七十四眼昏手又  
僵裝綿苦欲厚用線苦欲長綫長衣縫緊綿厚耐  
雪霜裝成令兒暖母衣單薄涼不衣逆母懷衣之  
情內傷

兒病母煮藥老淚滴爐灰幾死復得活爲母而再  
來終養理之順哭兒情至哀老天有矜憐復使歸  
母懷

凡起掃黃葉第起烹秋茶明星猶在樹爛爛天東  
霞杯用宣德甃壺用宜興砂噐物非金玉品潔自  
生華蟲遊滿院涼露濃敗蒂瓜秋花發冷豔點綴

枯籬笆閉戶成義皇古意何其賒

野老

輸罷官租不入城秋風社酒各言情  
明年二月逢春閏細雨長隄看耦耕

贈金農

亂髮團成字深山鑿出詩不須論骨髓誰得學其

皮

細君

為折桃花屋角枝紅裙飄惹綠楊絲無端又坐青

莎上遠清張機捕雀兒

雨中

終日苦應酬連陰得閉門清涼滿心肺草木向我  
言新竹倚屋簷綠沁窗紙昏梁燕坐不出蝸牛滿  
苔痕犬跡踏沙軟躡屐恐泥翻迴廊足散步把書  
行且溫家釀亦已熟呼僮傾盞盆小婦便爲容紅  
袖對金尊

平山宴集詩

爲進士王元衡作

閒雲拍拍水悠悠樹繞春城燕繞樓買盡煙花消  
盡恨風流無奈是揚州  
金章紫綬楚詞工  
馮執事  
春風細雨雷塘路旭日明霞六一祠江上落花三

十里令人愁殺冷胭脂  
江東豪客典春衫  
綺席金尊索笑談  
臨上馬時還送酒  
寒鴉落日滿淮南  
野花紅艷美人魂  
吐出荒山冷墓門  
多少隋家舊宮怨  
珮環聲在夕陽邨

且贈梁魏金

國手

坐我大樹下  
秋風飄白髭  
朗朗神仙人  
閉息歛光儀  
小婦竊窺廊  
紅袞颺疎籬  
黃精煨正熟  
長跪奉進之  
食罷仍閉目  
鼻息細如絲  
夕影上樹杪  
落葉滿身吹  
機心付水釋  
靜脈無橫馳  
養生有大道  
不

獨觀奕碁

骨董

末世好骨董甘爲人所欺  
千金買書畫百金爲裝  
池缺角古玉印銅章盤龜螭  
烏几研銅雀象牀燒  
金視一杯一尊竿按圖辨款儀  
鈎深索遠求到老  
如狂癡骨肉起訟獄朋友生猜疑  
方其富貴日價  
直千萬奇及其貧賤來不足換餅  
餐我有大古器  
世人苦不知伏羲畫八卦文周孔  
繫辭洛書著洪  
範夏禹傳商箕東山七月篇斑駁  
何陸離是皆上  
古物三代即次之不用一錢買滿架  
堆離披乃其

最下者韓文李杜詩用以養德行壽考百歲期用  
以治天下百族歸淳熙大古不肯好逐逐流俗爲  
東家宣德爐西家成化甕盲人寶陋物惟下愚不  
移

逢客入都寄勗宗上人口號

汝到京師必到山山之西麓有禪關爲言九月吾  
來住檢點白雲房半間

貧士

貧士多窘艱夜起披羅幃徘徊立庭樹皎月墮晨  
輝念我故人好謀告當無違出門氣頗壯半道神

已微相遇作冷語吞話還來歸歸來對妻子局促  
無儀威誰知相慰藉脫簪典舊衣入厨然破釜烟  
光凝朝暉盤中宿果餅分餉諸兒饑待我富貴來  
鬚髮短且稀莫以新花枝謂此薜蘿非

行路難三首

天明始覺滿身霜抖擻征衫曳馬韉茅店煖烟噓  
冷面軀人朝日出林塘

關山老馬怯馳驅幼僕而今作壯夫萬里功名何  
處是猶將青鏡看鬢鬚

紅帖糊門挂栢枝東風馬上過年時一杯濁酒家

千里逆旅多情送餅餐

又一首仍用前起句

天明始覺滿身霜日出纔伸十指僵  
山色半青還半霧馬頭紅葉是何莊

廣陵曲

隋皇只愛江都死袁孃淚斷紅珠子  
玉勾斜土化為烟散入東風艷桃李  
樓上摘星攀夜天斗珠灼灼齊人肩  
雷塘水光四更白月痕斜出吳山尖  
曉閣涼雲笛聲瘦碎鼓點花撒秋豆  
長夜歡娛日出眠揚州自古無清晝

秦宮詩後長吉作

方連四角燒艷香酒闌妓合燈煌煌金輿翠憶貴  
人散只有秦宮入畫堂南堂夫人賜金兒北堂相  
公同繡被未識歡哥一片心平分偏向如何寄內  
寵外寵重複重晝有微眠夜無寐自古淫花蕩雨  
風海棠不得辭憔悴天生桀黠奴非衆柔軟嬌態  
復驍勇鳩鵲承明百尺墻斗上平翻燕赤鳳

范縣呈姚太守諱興慎

落落漠漠何所營蕭蕭澹澹自為情十年不肯由  
科甲老去無聊挂姓名布襪青鞵為長吏白榆文

杏種春城幾回大府來相問隴上閒眠看耦耕

塞下曲三首

天遠山空塞草長太平羽獵出漁陽少年馬上談

詩事一種風流夾莽蒼

萬幟千山落日多將軍獵罷選清歌胡姬醉舞雙

紅袖笑指黃羊挂駱駝

洗盡寒酸舊筆頭十年關塞覓封侯臂鷹躍馬黃

皮袴射得豐狐作短裘

村居

霧樹溟濛叫亂鷗濕雲初變早來霞東風已綠先

春草細雨猶寒後夜花村艇隔烟呼鴨鷺酒家依  
岸扎籬笆深居久矣忘塵世莫遣江聲入遠沙

懷無方上人

初識上人在西江廬山細瀑鳴秋窗後遇上人入  
燕趙甕山古瓦埋荒廟今君聞佳孝免營亂石寒  
雲補棘荆別築岩前數間屋繪圖招我同歸耕伊  
昔茅棚晒秋藥我混屠沽君種作推墮寒驢邨市  
中笑而不怒心寥廓嗟我近事如束柴爪牙惡吏  
相推排不知喜怒哀為何事夜夢跼蹐朝喧逐一年  
一年逐留滯徒使高人笑疣贅我已心魂傍尔飛

來歲不歸有如水

懷程羽宸

余江湖落拓數十年惟程三子

鵠奉千金為壽一洗窮愁羽宸是其表字

世人開口易千金畢竟千金結客心自遇西江程

子鵠掃開寒霧到如今

十載音書迥不通蓼花洲上有西風傳來似有非

常信幾夜酸辛屢夢公

渡江

海日出復沒江光紫而冷風平浩浩波颿定亭亭  
影瓜步淼然去北固蒼翠耿未暇遊金焦先寓象

山嶺

招隱寺訪舊五首

江鳥喚朝興  
山中訪舊僧  
遇泉先解渴  
濟勝漫誇能  
十甲樹中曲  
半樓天外凭  
上方應遠在  
小歇更攀登

沃水先清面  
除煩更削瓜  
客真無禮數  
僧亦去袈裟  
竹榻斜支枕  
苔窓卧看花  
來朝好風日  
細細探烟霞

禪房精筆硯  
窓又碧紗糊  
吮墨情溫細  
吟詩味澹腴  
茶槍新摘蕊  
蓮露旋收珠  
小盞烹涓滴  
青光淺

淺浮

俯瞰僧歸寺微茫蟻附階過橋疑入澗轉樹忽登  
崖碧綠新篁果輕黃舊草屨林深天欲暮風起作  
陰霾

樓有高於樹樹更迥於樓上下扶藪碧陰晴戶闥  
幽鳥聲人語讓花氣日光適五月山秋逼僧衣裹  
作裘

雲

濃雲風不動薄靄片時過澤小含烟少山深吐氣  
多瀰漫遮大塊輕弱赴微波愛巧嫌癡重人情可

奈何

乳母詩

乳母費氏 先祖母蔡太孺人之侍婢也  
燮四歲失母育于費氏時值歲飢費自食  
于外服勞于內每晨起負燮入市中以一  
錢市一餅置燮手然後治他事間有魚殮  
瓜果必先食燮然後夫妻子母可得食也  
數年費益不支其夫謀去乳母不敢言然  
長帶淚痕日取太孺人舊衣濺洗補綴汲  
水盈缸滿甕又買薪數十束積竈下不數

日竟去矣燮晨入其室空空然見破牀敗  
几縱橫視其竈猶溫有飯一盞菜一盂葢  
釜內即常所飼燮者也燮痛哭竟亦不能  
食矣後三年來歸侍太孺人撫燮倍摯又  
三十四年而卒壽七十有六方來歸之明  
年其子俊得操江提塘官屢迎養之卒不  
去以太孺人及燮故燮成進士乃喜曰吾  
撫幼主成名兒子作八品官復何恨遂以  
無疾終

平生所負恩不獨一乳母長恨富貴遲遂令慚惡

久黃泉路迂濶白髮人老醜食祿千萬鍾不如餅  
在手

白門楊柳花

白門楊柳花飄飄陌上遊人互見招明璫翠袖車  
中手錦帶彎弓馬上腰少年何必曾相識好鳥名  
花天下惜妾住青樓第幾家映門桃柳方連刻家  
有水亭新綠荷東風不大生微波願得晴明好天  
氣郎來倚檻流清歌郎意溫勤自安妥郎情佻薄  
誰關鎖陌上遊人盡愛儂儂得郎憐然後可

長干女兒

四春並雨西風南陌青楊柳

長干女兒年十四春遊偶過南朝寺髻髮纖纖拜  
佛遲低頭墮下金釵翠寺裏遊人最少年閒行拾  
得翠花鈿送還不識誰家物幾嗅香風立悵然

長干里

牆裏花開牆外見籬門半覆垂楊綫門外春流一  
派清青山立在門當面老子栽花百種多清晨擔  
賣下前坡三間古屋無兒女換得鮮魚供阿婆繰  
絲織繡家家事金鳳銀龍貢天子花樣新添一綫  
雲舊機不用西湖水機上男兒百巧民單衫布褐  
不遮身中原百歲無爭戰免荷干戈敢怨貧

比蛇

粵中有蛇好與人比較長短勝則嚙人不勝則自死然必面令人見不暗比也山行見者以傘具上冲蛇不勝而死

好向人間較短長截岡要路出林塘縱然身死猶遺直不是偷從背後量

脆蛇

是蛇易斷易續能治病無毒土人以竹筒誘入塞之焙以爲藥

爲製人間妙藥方竹筒深鎖掛枯墻剪屠有毒餐

無妻究竟身從何處藏

紹興

丞相紛紛詔勅多紹興天子只酣歌金人欲送徽  
欽返其奈中原不要何

...

...

...

...

...

天

全盛國壽命同參

下口會報短野用今逐逐墨出出富所婚之玉

事業能保新與以對滿心棄財避之重

陳靈輿多非與昔年餘與費及千百萬金

馳奔來居期以而列地諸全素斜呈觀眼

味險執執以用本阿執執執執執執執執

明心精事平切天此代之圓出入二壽

宿光明殿贈婁真人諱近垣

老聃莊列入中仙未聞白晝升青天五千妙義南

華詮虛靜恬澹返自然秦皇漢武心如烟騰空飄

幻無涯邊茂陵樹接驪山阡牧羊奴子來燒煎金丹服食促壽年元和大曆無愚賢我朝力掃諸從前踢翻藥竈流丹鉛真人應運來翩翩神清氣朗心靜專渾融天地爲方圓出入仁義恢經權藏和納粹歸心田有何燒鍊丹磨研有何解脫尸蛇蟬我來古殿夜宿眠銀龍金索搖星躔雕闌玉砌朝露鮮名花異草相綿連費民千百萬金錢有明事業諸所傳真人假寓心棄捐毀之重勞姑置焉天子曰俞耶取便匪令逐逐還沾沾富而教之王政全萬國壽命同修延

破衲爲從祖福國上人作

衲衣何日破四十有餘年  
白首仍縫綻青春已結  
穿透涼經夏好等絮入秋便  
故友無如此相看互  
有憐

贈勗宗上人三首

卷盡溪邊髻尚髻便拈荷葉作袈裟  
一條水牯斜陽外種得山頭十畝霞

髯公美似晉司空

謂青崖老人

識取雲間紫氣濃  
手把

干將日磨淬匣中  
抽出秋芙蓉

詩清雲淡兩無心  
人自青春韻自深  
好待菊花重

九後萬山紅葉冷相尋  
下湖山中臥雪呈青崖老人

一夜西風雪滿山  
老僧留客不開關  
銀沙萬里無來跡  
犬吠一聲村落閑

紫瓊崖主人送板橋鄭燮為范縣令  
萬丈才華繡不如  
銅章新拜五雲書

朝廷今得鳴琴牧江漢  
應閒問字居四廓  
桃花春雨

後一缸竹葉夜涼初  
屋梁落月吟瓊樹  
驛遞詩筒

莫遣疎日如四十年  
白首西歸與青春

將之范縣拜辭

紫瓊崖主人

紅杏花開應教頻東風吹動馬頭塵闌干首著  
嘗來少琬琰詩篇捧去新莫以梁園留賦客須  
教七月課函民我朝開國于今烈

文武成康四聖人

僧壁題張太史畫松諱鵬冲

畫背所揭紙案頭已敗筆僧房坐無聊偶然作松  
骨松毛無幾許松幹頗鬱兀虬龍挺僵瘦脩虵歛  
出沒輕雲澹欲無奔雷怒將擊想當無意中精神  
乍飄忽傍無指授人令作何體格胸無成見拘摹

擬反自失魯公坐位帖要以草葉彙得我昔未嘗見  
僧粘在破壁及經驚歎奇千求不我錫此紙立即  
破裝潢事孔急吾求不汝強汝當真愛惜

蓋昔所粘經卷已如葉曾見坐無暇而然亦殊

留題後卷太史處外翰紙

文苑英華四卷入卷百

卷之凡無此肉非 隙開國于今歷

嘗來少姪與拾遺林去條莫以果園留題客貞

瑞杏芬開馥煖煖東風如煙濕更與蘭干首節

紫雲主人

板橋詩鈔

范縣作

興化鄭燮克柔氏

音布

昔予老友音五牙書法峭崛舍

阿那筆鋒下插九地裂精氣上

与雲霄摩陶顏鑄柳近歐薛排

黃鑠蔡凌顛坡墨汁長傾四五斗

殘豪可載數駱駝時作草恣恠

變江翻龍怒魚騰梭與予飲酒意  
靜重討論人物無偏陂衆人皆言酒  
失穴予執不信嗔偽訛大致蕭蕭足  
風靴細端瑣碎寧為苛鄉里小兒暴  
得志好論家世談甲科音生不顧輒  
噓唾至親戚屬相矛戈逾老逾窮  
逾怫鬱屢顛屢仆成蹉跎萃去  
秀才充騎卒老兵健校相遮羅羣

呼先生拜于地。坐酒大肉排。青莎音  
生瞪目大歡笑。狂鯨一吸空。千波醉  
來索筆筆。索帑墨一揮。百幅成江  
河。羣爭衆奪若拱壁。玉無知反得珍  
愛多。昨遇老兵劉。窮餓頗以賣。賣字  
溫。金鍋談及音。生舊時事頓足歎。  
恨。雙涕沱天與。才人好花樣。如此行狀  
應不磨。嗟予作詩非寫怨。亦隨逝

矣將如何世上才華亦不盡慎勿  
咤叱為么魔此等自非公輔器山  
林點綴雲霞窟泰岱崇高華自  
五岳豈無別嶺高嵯峨大書卷  
帙告諸世書罷北泚、北張浩歌

范縣

四五十家負郭民北洛花廳事淨  
無塵苦蒿菜把隣僧送禿袖

鷄衣小吏負嵒青隱幽難盡燭何  
曾頑梗竟能馴縣所一尺情猶隔  
況是君門隔紫宸

寄題東邨焚詩二十八字

聞說東邨萬首詩一時燒去更無  
遺板橋居士重饒舌詩到煩君  
併火之

寄招哥

十五娉婷嬌可憐、渠告夕四三年  
宦囊蕭瑟音書薄、寄招  
哥買粉錢

懷揚州舊居

即李氏小園賣花翁汪彭拜所築

樓上佳人架上書、燭光微冷月來初  
偷用繡帳看雲影、擘手斷、牙籤拂  
書、魚、謝、傅、青、山、為、院、落、隋、家、芳、州、入  
園、蔬、思、鄉、懷、占、葉、傷、暮、江、雨、江、花、尔

自知昔年入京...

感懷無...

歌舞樓頭暮影催雪霜所...

迴蘇秦六國都丞相羅隱西湖老秀才

游說寂寥齊市哭文章光恠越山用

分明一匹死尖錦玉剪金刀請自我

送陳坤秀才入都

天台才子辰嘉璠与予京師飲國西

華門開懷吸老血玉泉水隻手拔斷西  
山根是時長安新晴九陌淨月光  
爛、升銀盆長風翻天片雲貌銀臺  
嵩山樹含烟翻蹠日生遠火動芳甸迴  
沙細浪酷似江南邨是後相逢廣  
陵道予正肩輿入烟島左竿一壺酒  
右竿一尾魚古心魚煮酒恣談謔首  
停便借村人沽飲罷茫茫又分去君

從何處得此侯生書  
侯生不妄許與人  
滇池洱海寧為親  
憐君書書灑有古  
意歷浩不顧時  
賢嗔贈詩贈字指君  
踞要窺北關  
排勾陳范州知縣亦何幸  
迴車枉駕來沙塵  
荒城古柳夕陽瘦  
長隄嗥犬秋墳新  
此去京師一千里  
十日可到渾河津  
薄酒寒茶飯粗糲  
藿人慎勿羞吾貧  
京師有僧介庵子  
是

爾滇南舊閭里書澹晶瑩秀且清  
纔蘭挺拔春桃紫若隄從之必有  
倚況兼古碑舊帖藏最多縱橫觀  
之疑問彼問者此去胡為乎功名富  
貴良難圖惟有文章世公器石渠天  
祿開通渠觀君運腕頗有力柔軟妥  
貼須工夫莫辭長跪管泥地箋紙片  
字明月珠書法鉅公之老在法華庵

主梁山湖法華寺張公熙梁山湖詩正

鄂公子左遷諱容安

仲子空殘嘔血鄂君原不求名草去東

宮詹事求克國子先生

十日鞠

十日菊花看更黃破籬笆外鬥秋霜不

妨更看十餘日避得暖風林不得涼

縣中小皂隸有似故僕王鳳者每

見之黯然

唱徹前行忽掉頭風情疑是舊從遊

渠了得三生恨細雨空齋好說愁

口輔依然性亦溫差他吮筆墨花痕可

憐三載渾無夢今日輿前遠近覓

小印青田寸許長抄書留得舊文章

然面上三冬似豈有胸中百卷藏

乍見心驚意便親高飛遠宦未似人

楚王幽夢乘、斷籍把衣冠認舊臣

唱道

排衙懶不材示芒鞋問俗入林深一  
杯白水荒塗進慚愧邛愚百姓心

范縣詩

十畝種棗五畝種梨胡桃頻婆沙果柿  
擘香花淡宗秋實離、十月霜紅勁果  
垂枝爭紫謝拙蠶采于斯消頰解渴

拯疾療飢

桑下月梯桑上有女不見其人葉紛如

兩小妹提籠小兒趨風掇彼桑葢青澁

未紅既養我蠶無市我崩杼袖在坐絲

絮在撫暖老憐童繩風裁弱

維蒿維蕪蔬百其名維筐維楛百蠹

其情蒲桃在井蔬護州在坪塞名花侵縣

麥浪平城小器未翅窈窕厥聲哀呼老

趙望食延頸

此花以黃口為小器以啣食哺雛者為老趙

臭麥一區 飢雞弗顧 甜瓜五色 美于甘瓠

結草為菴 扶殿羽遠 樹首霜綿 芊芊蒼花

錦互三豆為上 小豆斯附 綠質黑皮 勻

圓如注

花有臭麥成熟後則不臭黃黑菜為三豆為大豆餘俱小豆黑豆而骨青者最甲實

鷺為鳥長率游于池悠々遠岸漠々揚

絲人牛書直卧高樹蔭之志日不到清

風未

齋

斗斯鉅矣三登其一尺斯廣矣十加其七

豆區權漸不官而質田無埂隴畝無侵

軼尔種爾黍我耜我稷文之以弓一畝之

以尺

黍稷翼以以葱以樹鬱黍稷粟以以實貝以

積九月霜花催從還家腰鎌背穀歸

露肩霞遙指我屋思見我婦一縷晨烟  
隔于深樹牽衣獻果幼兒識父

錢十其貫布兩其端四十聘婦我家實寒  
亦有勝邨童兒女孫十五而聘十七而昏苑  
枯異勢造化無根我欲望天我實戴盆六十  
惜偏不識妻所籠燈髻綵終身為走奔

驢騾馬牛羊滙賣斯為集或用二五八或以  
一四七期長吏出收租借問民苦疾老人不

識官扶杖拜且泣官差分所應吏擾竟何  
極最畏硃標籤請君慎點筆貪者三其  
租廉者五其息即此悟官箴恬退亦多得

朝歌在北濮水在南維茲范邑匪淫匪婪  
陶堯孫子劉累庶枝自昇祖于會衍世于  
茲妣斤唐風所勸墾力物土之宜

絕句二十三首

高鳳翰

皇高補西園膠州秀才薦舉為海陵督  
聽齋瀟長工詩畫尤善印篆病瘵後  
西草用左臂書畫更奇  
西園左筆壽門書海內朋交索向余短札  
長箋都去畫老夫雁作亦無餘

圖清格

古臚號牧山滿洲人部郎善畫學石濤和

歐向尚和畫明朝山子姓羊民畫

嬾向人間作画師  
朋游山下牧羊兒  
崖前

古廟新泥壁墨竹  
臨風寫一枝

李鱣

彌宴坐興化人  
孝廉供奉 內廷

西園古後為滕縣令  
畫筆工絕 蔣相公高司  
毅弟子

兩草科名一貶官  
蕭華錄鏡中寒  
回

頭痛哭

仁皇帝長把靈  
龕柳色看

蓮峰 杭州詩僧雍正間

鐵索三條解上都

君王早為白寃誣他率寫入高僧傳一段風

波子好畫圖

傅雯

寧凱亭酒陽布衣五指頭画灑

且周先生

長作諸王座上賓依然委巷一窮民年

年賣畫磨風比凍手胭脂染不勻

潘西鳳

字桐岡人呼為老桐新昌人精刻竹牒

東陽仲謙以後一人

年、為恨詩書累處、逢人勸讀書試  
看潘郎精刻竹胸無萬卷待何如

孫峩山前筆

諱勳德州人進士通政司右通文章

風如滿天下子孫科甲無筭先生泊如也

屢勸諸兒莫做官立官難更立身難一問  
自有千秋業萬石萬風國史看

黃慎

字恭懋號瓊瓢七閩老畫師

愛看古廟破苔痕慣寫荒崖亂樹根  
畫到精神飄沒處更無真相有真真

邊維祺

字願公一字畫民山陽秀才工画雁

畫雁分明見雁鳴綠湘帆秋蘆整筆頭

何限秋風冷盡是關山離別情

李錯

字梅山又號豸青山人宰相子壻也

極博工詩遠東世由

落冕王孫補豸青文章兼命無靈處

風吹冷平津閣何處重尋孔雀屏

郭沅

字南江揚州人孝廉工制藝

點染詩書萬卷開丹黃如繡墨如苔客  
來相對無言說文弱書生不秀才

音布

字聞遠長白山人善書

柳板棺材益破祛紙鏡蕭淡挂輻車未赫  
羅未是無情地或恐知人就索書

沈鳳 無計也 遠次味人 博家書

字允民 江陰人 盱眙縣令 王以弱林太

史門生 工篆刻 人善書

政績優游 便出奇 不須峭削 合時宜 良苗

也 怕驚雷 電扇得和風 好上齋

周景柱

字西敬 遂安人 孝廉 由內閣中書

為潮州府丞 工書法

曾約嚴灘去釣魚春風江上草為廬如  
何万里無消耗若屈衙官我簿書

董偉業

字耻夫號嚴江瀋陽人流寓甘泉位

揚州竹枝詞九十九首

百首新詩號竹枝前明原有艷妖詞合未

方許稱完璧玉小楷抄謄批秘隨

保祿

新寧兩野滿洲華帳式遇于江西無大

師家贈詩云西江馮大士南國鄭都官

曾把都官目叔孺心知誰哄又虛驕無方

去後函山遠酒店春旗何處招

伊福納

山公兼五姓那拉滿洲人進士戶部

中丁詩

紅樓三載一載一載一載西山歲日想同游

僧去盡沙彌換誰識當時兩黑頭

申甫

號芻山關中人孝廉工詩

男兒須鬥百千期眼底微名豈足奇  
料得水枯青石爛天涯滿誦芻山詩

杭州駁

字大宗彌堇浦杭州人工詩舉鴻博

授翰林苑編修

門外青山海上孤  
階前春草夢中癡  
宦情不及閒情熱  
一夜心飛入鑑湖

方起狀

字蘇臺淳安人  
工書為鹽場大使  
蠅頭小楷太勻  
傳長恐工書損性  
靈急限采牋三百  
幅宮中新製衣錦  
圍屏

金同農

字壽所錢唐人  
博物工詩與本鴻博

不就

九尺珊瑚照珠紫鬘碧眼照商胡銀河  
若問支機石還讓中原老匹夫

允大人先生載之國書傳之左右史  
而星散落拓之輩名位不高名懷  
絕藝深恐失傳故以二十八字標其

梗槩

卷之三十一

三  
我山先生不應在

是列業之所至遂不能自己

南朝

晉人謂陳後主隋煬帝作翰林自

是當家本色變亦謂牡牧之溫飛

卿為天子亦足破國亡身乃有幸而

為才人不幸而有天位者其遇不遇

不在尋常眼孔中也

舞榭歌樓蕩子家  
騷人落拓借揜遮  
舞何冤藻山龍客  
苦戀溫柔旖旎花  
紅豆有情傳夢寐  
靑春無賴鬥烟霞  
風流不足君王派  
請入雞林謝翠華

歷覽三首

歷覽名臣與佞臣  
讀書同墓亦古賢  
人烏紗畧戴心情  
變黃閣旋登面目  
新翻笑腐儒何寂  
、可憐世味太津  
、勸君莫

作閒居賦灌岳終須負老親

歷覽冰山過眼傾眼前  
翠律有誰爭三

千羅綺傳官粉十萬貔貅擁禁兵  
白髮更

饒門戶計黃金先買史書名  
桂香痛哭

龍門史一字何曾誑後生

歷覽前朝史筆殊英才多少受冤誣

一人著述千人改百日辛勤一日塗  
忌諱本

來無筆削乞求何得有褒誅  
唯餘遠

只丈堪讀惆悵新添者也乎

有年

槐影鴉聲畫漏稀了除案牘吏人端拈  
來舊稿花前改種得新蔬雨後肥小院烏  
童調駿馬畫樓織手蠶具朝衣四陵未足

酬 恩造大有書年報

微

立朝

立朝何必無纖過要在聞而遽政之千古  
怙終緣寵戀問君愆得幾多時

君臣

君是天公辦事人吾曾臣下二三臣  
兢奉若守蒼意莫待雷震始認真

詠史

蓬起狐鳴豈輦轉是真天子壓羣豪  
俾須傀儡諸龍種拜冕垂旒贈一刀

天位由來自有真，不須刻削舊松筠。  
漢家子弟凶囚在，王莽猶非極惡人。

二生詩 宋緯劉連登范縣秀才

腐史湘騷問幾更，衙齋風雨見高情。  
也和貧病渾無措，不敢分錢惱二生。

懷李三解

耕田便爾牽牛去，作畫依然弄筆來。  
一領破裘雲外掛，半張陳帟酒中裁。  
青春在

眼童心熟白髮盈肩壯志灰惟有尊鱸

堪漫喫下官亦為啖魚回

待買田莊然後歸此生無事到荆扉借君十

畝堪栽秫賃我三間好下幃柳綫軟拖波

細細秧針青惹燕飛飛夢中長与先生

會草閣南津舊釣磯

下深田已女王卷斷法鉢要人

秋荷獨後時搖落見風姿無力爭先發非因

溪出奇

平陰道上

關河夜雨車馬晨征蕭蕭日出蕩波平山城  
樹白石古戍花明雲隨馬足風送車聲野漁

者以漁耕者以耕高原婦饁墟落雞鳴帝

王之業野人之情

止足

年過五十得免孩埋情怡憲澹歲月方來

彈丸小邑稱是非  
才日高猶臥夜戶  
長關  
年豐日永波澹雲  
迴鳥鳶聲樂牛馬  
群  
諧訟庭花落掃積  
成堆時、作畫亂石  
秋  
苔時、位寧古與媚  
皆時、作詩寫樂鳴  
哀閨中少婦好樂  
無猜花下青童慧  
黠適  
懷圖書在屋芳草  
盈階晝食一肉有  
飲數杯有後無後  
聽已焉哉

天上人間盡苦辛  
飛橋斜度水粼粼  
一年一會多離隔  
好把牛郎覩得真

漏盡星飛頃別離  
細將長夜說相思  
明年又有新愁恨  
不得重提舊怨詞

孤兒行

孤兒躑躅行  
低頭屏息不敢揚聲  
阿叔坐  
堂上叔母臉厲秋鐺  
阿叔不念兒  
叔母不念嫂  
不記瘦嫂病危篤  
枕上叩頭孤兒幼小

立喚孤兒跪床前拜倒拭淚諾、孤兒是保

嬌兒坐堂上孤兒走堂下嬌兒食粥米肉孤

兒兢、捧盤盂恐傾跌受笞罵朝出汲水

暮莖芻養馬莖芻傷指血流瀉、孤兒

不敢言痛阿叔不顧視但言死去兒嫂生此

無能者、嬌兒著紫裘孤兒著破衣嬌

兒騎馬出孤兒倚門扉舉頭望、掩淚

來歸、畫食厨下夜臥新草屋豪奴

兩僕食餘棄骨孤兒拾齧并遺膾羹湯食罷  
濯盤浴釜諸奴樹下臥涼老僕不分涕泣  
罵諸奴骨輕肉重乃敢凌幼主高賤軀阿剎  
阿媽聞知閉房悄坐乳不得蘇終然不念梵  
梵孤老僕攜紙錢出哭孤兒父母頸觸墳  
樹淚涸墳土當初一塊肉羅綺包裹今日受  
煎苦墓樹蕭、夕陽黃瘦齒風夜雨

後孤兒行

十歲喪父十六喪母孤兒有婦翁珠玉金錢付  
其手蒲葦繫盤石可以卒長久縱不靈他人  
兒寧不為阿女守 文翁得錢歸鼠心狼  
肺側目吞肥千謀萬算伏危機 媿曰不可  
翁曰不然令孤兒汲水大江邊失足落江水隣  
救得活全文聞知復活不謝隣舍中心悵然  
朝不與食暮不與栖止孤兒蕩無倚  
乞求餐飯旬日不返外父外母不問昌論

生死 夜宿 堊廟 荒華 茫茫 聞人 笑語 漸見  
燈光 綠林 君子 勒令 把火 隨行 孤兒 不敢 不聽  
從 強梁 事此 強賊 得累 及孤 兒賊 白冤 故  
官亦 廉知 文、辣 心毒 手悉 力買 告令 誣涅  
與賊 同歸 兩日 慘、羣 盜就 戮顧 此孤  
兒肌 如瑩 玉不 恨已 死痛 孤冤 毒行 刑人 淚  
相續 為 軀 太白 誓 勤 變 刻 奉 越 二 首 不

題陳孟周詞後

簡 不 真 信 問 其 願 不

陳孟周瞽人也聞予填詞問其調予  
為誦太白菩薩蠻憶秦娥二首不  
數日即為其友人填二詞亦用憶秦  
娥調其詞凶完陰瀛峇風記得峇  
關夜峇關直明珠雙贈相逢未嫁  
舊嘗明月如鉤挂只今提起心還  
怕心還怕漏聲月初定之玉樓人下何時  
了青緣來紫無緣好无緣好怎生

禁得多情自小重逢却覓回生州相思  
未翫招魂藁招魂稿月雖無恨天何  
不老予聞而驚歎逢人便誦咸曰  
青蓮自不可及李后主辛稼軒何  
多讓矣拙詞近數百首因愧陳  
佖遂不復存

圓嶠仙人海上飛吸風飲露不嘗歸偶然唾  
墨成涓澹化佖靈雲入少微

世間處，可憐情冷雨淒風，任怨聲。此調  
再傳黃壤，去癡冤，何日出愁城。

署中示人言第墨

學子詩不成去而學，寫學寫不成去而學。畫日  
賣百錢以代耕稼，實救困貧。託名風雅，免謁  
當途。乞求官舍，座有清風。所無車馬，四十科名。  
五十旃旌，小城荒邑。十萬編氓，何養何教。通  
性達情，何興何廢。務實辭名，一行不當百。

憲難更少予失教躁率易輕水哀火熾老  
更不平日有悔吝終夜屏營妻孥綺縠童  
僕鼎羹何功何德以安以榮若不速去禍患叢  
生李三復坐筆精墨渺予為蘭竹家數小  
亦有苦心卅年探討速裝我硯速攜我稿賣  
画揚州與李同老詩學子三人老臨与焉少陵  
為浚姬旦為先字學漢魏崔蔡鍾繇古碑  
斷碣刻意搜求維茲三事屋舍田疇宦貧何

畏宦富可憐即此言歸有羸不匱人不疵尤鬼  
無瞰崇吾既不貧尔亦無志需則失時决乃

云智以與夫何矣昔聖人共知古無之對

亦本破室所平時信與夫亦無志對夫無實

解破墙仍缺隣雞喔々來遊花開扁豆所子臥

穉苔畫鼓斜陽冷虛廊落葉迴掃階綠宴

客翻惹燕鴉猜餘女氣營集字餘綠童

登范縣城東樓率日陣水京大嶽矣

獨上秋城望高樓出曉烟西風漳鄴水旭  
日魯鄒天過客荒無館供官薄有田時平  
兼地僻何況又豐年

姑惡

古詩云姑惡姑惡姑不惡妾命薄

可謂忠厚之至得三百篇遺意矣

然為姑者豈有後悔哉因復作一篇

極形其狀以為激勸焉

小婦年十二辭家事翁姑未知伉儷情以哥  
呼阿夫兩小各羞態欲言先啞聒嚙翁令處  
閨閣織作新流蘇姑令雜作苦持刀入中厨  
切肉不成塊礪砑登盤盞作羹不成味酸辣無  
別殊析薪織手破執熱十指枯翁曰是幼小  
教導當徐徐姑曰幼不教長大誰管拘恃  
其桀傲性將欺頽老軀恃其驕縱資吾  
兒將伏蒲今日肆詈辱明日鞭撻俱五日無

完衣十日無完霄吞聲向暗壁啾唧微歎吁  
姑云是誚咒執杖持刀鋸汝肉尚可切頗肥未  
為癯汝頭尚有髮孀盡為秋壺與汝不同生  
汝活吾命殂鳩盤老形貌努目真亮屠阿夫  
畧顧視便嗔羞耻無阿翁畧勸慰便嗔昏  
老奴隣舍畧探問便嗔何與渠嗟、負家  
女何不投江湖江湖鮑魚鼈兔受此毒荼嗟哉天  
聽卑豈不聞怨吁人間為小婦沉痛結冤誣飽

食償刀願作牛羊豬豈無父母來洗泪飾  
歡娛豈無兄弟問忍痛稱姑劬疤痕掩破  
襟禿髮云病踈一言及姑惡生命無須臾

邯鄲道上二首

銅臺鹵北又叢臺泱泱塵沙泚水迴嘆武  
靈王無末跖愛斯養卒有英才青山易  
老人長在白髮無權志不灰最是耳餘  
堪借鑑千秋刎頸有疑猜

仙館荒寒不見人  
呂翁遺像滿埃塵  
古碑剔蘚前文陋  
畫壁含苔幻說新  
幾處斷橋支破板  
一溝折葦卧秋蘋  
分明告我浮生事  
伏枕何須夢假真

漁家

賣得鮮魚百二錢  
糴糧炊飯放歸船  
拔來濕葦燒雞著  
晒在垂楊古峴邊

小遊

贈杭州余省三

翠峯西眺海門開  
三

撒杭越入姑蘇吞震澤貌函湖錢塘之潮  
十里瀾盪以太湖波浪渾如飛惠山買酒  
醉醕酌金山脚踢成盞粉別育窠古  
澹心披衣散髮焦崖頂半夜狂捫瘞  
宦銘五更冷對文王鼎大索揚州不見我  
飄千里來山左袖中力士百斤椎開俗  
吏篋箱鎖佐吏之俗亦可憐爲君貸取  
百千錢謁曲阜墓觀嶧山刻登泰山顛

尚有嘶風掃電之驥足送君雲外飛歸鞭  
君之小游畧如此壯遊他日吾從尔

晉風江七姜七

名昱  
名文載

揚州江七無書名予獨愛其神骨清歐陽體

質褚性情貌姑冰雪光瑩如阜姜七無画

名予愛其堅秀明梧桐月夜仙娥姪如聞

歎息微

聲

画中景

二子才思原縱橫二子學

術原崢嶸天南萬里諸髦英俛首聽命無

衡爭板橋道人孤異行昌羊別嗜真倒  
傾獨推書畫衆目瞠尋諸至理還平  
廟坐若薦犧罔驛二子應列丹刻楹六章  
簫韶咸池鳴景王無射休增叻即今別調  
籥等笙世間破裂琵琶箏我來山左塵沙并  
替風夜雨思喬嵩窮達遇合何足營望君  
刻苦孤邁征江書姜西懸自長歐干卡璧湘纒  
蘓或予謬鑑雙目盲請呼老禿嗤殘信

